

*à malis Ministris administratorum: Tertia in genere de vocatione Ministrorum Ecclesie. De qua libet seorsim agemus.*

Quæstio I. De usu & efficacia Ministerij Ecclesiastici.

16. *Queritur igitur initio, Quis sit usus sive quæ utilitas, quam homines capiunt ex ministerio: non quidem ex Ministerio Legali, sive Mosai- co, quod nihil nisi iram operatur, arguit, accusat & damnat peccatum: Sed ex Ministerio E- vangelij sive Novi Testamenti.*

17. *Respondet Confessio: ut hanc (Iustifican- tem) Fidem consequamur, institutum est ministerium docendi Evangelium, & por- rigendi Sacramenta.*

18. *Docet igitur Confessio, initio, Fidem ho- minibus donari per ministerium verbi & Sacra- mentorum.*

19. *Affirmati huius veritas nititur partim per- spicuis sacrarum literarum oraculis extra omnem dubitationis aleam positis: partim verò eviden- tibus Exemplis, quæ hac in Quæstione confirman- da ponderis momentique plurimum obtinere & possunt & debent.*

20. *Et de Evangelij quidem prædicatione notum est illud Apostoli Rom. 10, 17. Fides est ex au-*